

BIBI FATIMAH ZAHARA (A.S) 2

<"xml encoding="UTF-8?">



HISTORIA YA MASUMIN AS

(BIBI FATIMAH ZAHARA (A.S

Sehemu ya pili

.FATIMAH ZAHARA NDANI YA QURAN TUKUFU

Ni aya ya tohara (kutoharishwa kwa watu wasifanye lolote ovu maishani mwao). Watu hao .2
.wanaitwa Maasumina

:Mwenyezi Mungu anasema

إنما يريد الله ليذهب عنكم الرجس أهل البيت ويطهركم تطهيرا

Hakika Mwenyezi Mungu anatakakukulindeni na uchafu watu wa Nyumba ya Mtume na
.anataka kukutakaseni moja kwa moja

Wanazuoni wa Ahlubaiti wamepokea kutoka kwa Fatimah (a.s) kuwa Aya hii 33:33 ilishuka
kwa ajili ya kuonyesha utukufu na ubora wa Ahlubaiti Rasulallah zaidi ya viumbe vyote. Na aya
(hii inawahusu watu watano tu na kizazi chao kitukufu kupitia Hussein (a.s

Kisa chenyewe ni: Kutoka kwa Jabir bin Abdullah Al Ansari kutoka kwa Fatimah Zahara as bint
:Rasulallah saww alisema

Nilimsikia Fatimah akisema: Siku moja baba yangu Mtume wa Mwenyezi Mungu aliingia
!kwangu kisha akasema: Assalam alayki Ewe Fatimah

!Nikasema: waalayka salamu

.Mtukufu Mtume saww akasema: katika mwili wangu najisikia udhaifu

.Nikasema: Mwenyezi Mungu akulinde na udhaifu (wa aina yoyote) Ewe Baba

.Kisha akasema: Nilettee kishali (kisaa) kutoka Yemen nifunike nacho

Nikakileta kishali cha Yemen, nikamfunika nacho nikawa ninamwangalia mara nikaona uso wake unang'aa kama mwezi ung'aavyo usiku wa kumi na nne, haukupita muda isipokuwa muda mfupi mara nikamuona mtoto wangu Hassan as anakuja na akasema: Amani iwe juu yako Ewe
!mama

.Nikasema: Waalayka salamu Ewe tulizo la jicho langu na tunda la moyo wangu

Hassan as akasema: Ewe mama! Hapa kwako mimi ninasusa harufu nzuri kama harufu ya
.babu yangu Mtume wa Mwenyezi Mungu saww

Nikasema: Ndio Hakika babu yako yupo ndani ya kishali, Hassan akaelekea kwenye kishali na
akasema: Asalamu Alayka Ewe Babu! Ewe Mtume wa Mwenyezi Mungu, je, unaniruhusu na
?(mimi niingie pamoja nawe katika kisaa (kishali

Mtukufu Mtume saww akasema: Waalayka salamu Ewe mwenye ushuba na haudhwa yangu,
.Nimekuruhusu, kisha Hassan akaingia ndani ya kishali

Haikuchua muda isipokuwa muda mfupi mara nikamuona mtoto wangu Hussein as anakuja na
!akasema: Asalamu Alayki Ewe mama

.Nikasema: Waalayka salamu Ewe mtoto wangu tulizo la jicho langu na tunda la moyo wangu

Kisha Hussein akasema: Ewe mama! Hakika hapa kwako ninanusa harufu nzuri kama harufu
.ya Babu yangu Mtume wa Mwenyezi Mungu

.(Nikamwambia: Ndio Hakika Babu yako na ndugu yako wapo hapo ndani ya kisaa (kishali

Hussein akasogea pale penye kisaa na akasema :Asalamu Alayka Ewe Babu! Asalamu Alayka
Ewe uliye teuliwa na Mwenyezi Mungu! Je, unaniruhusu nami niwe pamoja nanyi ndani ya
?.kisaa

Mtukufu Mtume wa Mwenyezi Mungu akasema: waalayka salamu Ewe mtoto wangu na
.muombezi wa ummah wangu! Nimekuruhusu

.Hussein akaingia pamoja nao ndani ya kisaa

Baada ya hapo mara akaja baba Hassanaini Ally bin Abi Twalib (a.s) na akasema: Asalamu

!Alayki Ewe bint wa Mtume wa Mwenyezi Mungu

.(Nikasema waalayka salamu Ewe Baba Hassan Ewe kiongozi wa waumini (Amirul Muuminina

Kisha akasema: Ewe Fatimah! Hakika mimi ninanusa harufu nzuri kama harufu ya kaka yangu

.na bin'ami yangu Mtume wa Mwenyezi Mungu

.Nikamwambia: Ndio huyo hapo pamoja na watoto wako ndani ya kisaa

Aliy (a.s) akaelekea kwenye kisaa na akasema: Asalamu Alayka Ewe Mtume wa Mwenyezi

?Mungu! Je, unaniruhusu niwe pamoja nanyi ndani ya kisaa

Mtukufu Mtume saww akamwambia: Waalayka salamu Ewe kaka yangu, Ewe wasii wangu,

.Khalifa wangu na mshika bendera yangu, nimekurusu, Ally (a.s) akaingia ndani ya kisaa

Fatimah as akasema: Na mimi nikaenda kwenye kisaa nikasema Asalamu Alayka Ewe Baba,

?Ewe Mtume wa Mwenyezi Mungu! Je, unaniruhusu na mimi niwe pamoja nanyi ndani ya kisaa

Mtukufu Mtume saww akasema: Waalayki salamu Ewe mtoto wangu na sehemu ya mwili wangu, nimekuruhusu. Nikaingia ndani ya kisaa, tulipokamilika wote ndani ya kisaa, Babaangu

Mtume wa Mwenyezi Mungu alishika pande mbili za kisaa na akanyoosha mkono wa kulia

:kuelekea mbinguni na akasema

اللهم إن هؤلاء أهل بيتي و خاصتي و حامتي، لحمهم لحمي، ودمهم دمي، يؤلمني ما يؤلمهم، و يحزنني ما يحزنهم، أنا حرب لمن حاربهم و سلم لمن سالمهم، وعدو لمن عاداهم، و محب لمن أحبهم، إنهم مني و أنا منهم، فاجعل صلواتك و بركاتك و رحمتك و غفرانك و رضوانك علي و عليهم، و أذهب عنهم الرجس و طهرهم تطهيرا.

Ewe Mwenyezi Mungu! Hakika hawa ndio Ahlubaiti wangu wanaonihusu na watakaonilinda

(pamoja na uislamu), nyama zao ni nyama zangu, damu yao ni damu yangu, huwa ninaumia

pale wanapoumia, ninahuzunishwa na lile linalowahuzunisha, mimi ni adui kwa mwenye

kuwafanyia uadui wao mimi ni mpenzi wa yule anaye wapenda wao, hakika wao wanatokana

na mimi na mimi natokana nao, (Ewe Mwenyezi Mungu) shusha rehema zako, baraka zako,

huruma zako, msamaha wako, na radhi zako juu yangu na juu yao. Na uwaepushe wao na

.uchafu na uwatoharishe moja kwa moja

Fatimah (a.s) anaendelea kusema, mara Mwenyezi Mungu Mtukufu akajibu maombi ya

Babaangu Mtume wa Mwenyezi Mungu kwa kujifakharisha juu ya Malaika akasema: Enyi

Malaika wangu! Enyi wakaazi wa mbingu zangu! Hakika mimi sikuumba mbingu madhubuti wala ardhi iliyotandaa, wala mwezi wenye nuru, wala Jua lenye kuangaza wala sayari (dunia) yenye kuzunguka wala bahari yenye mwendo wa mawimbi wala Jahazi zenye kuelea kwenye maji, isipokuwa ni kwa ajili ya kuwapenda hawa watano ambao wamo ndani ya kisaa (kishali

Hapo Malaika mkuu Jibrilu as akasema: Ewe Mola wangu mlezi ni akina nani wapo ndani ya kisaa (ambao unajifakharisha kwao

.Mwenyezi Mungu Mtukufu akawaambia: Hao ni watu wa Nyumba ya utume, na asili ya ujumbe

.Wao ni Fatimah, Baba yake, mume wake na watoto wao

Kisha Jibrilu as akasema: Ewe Mola wangu mlezi unaniruhusu na mimi nishuke hadi duniani niwe wa Sita pamoja nao

.Mwenyezi Mungu akasema: Ndio nimekuruhusu

!Jibrilu as akashuka na akasema: Asalamu Alayka Ewe Mtume wa Mwenyezi Mungu

Mwenyezi Mungu Mtukufu

(العلي الأعلى)

Anakutolea salamu na amefanya maamkizi na ukarimu khaswa kwa ajili yako, na anakwaambia: (Naapa) kwa cheo changu na utukufu wangu mimi sijaumba mbingu madhubuti, wala ardhi iliyotandaa, wala mwezi wenye nuru, wala Jua lenye kuangaza wala sayari (dunia) yenye kuzunguka, wala bahari yenye mwendo wa mawimbi wala Jahazi zenye kuelea kwenye maji, isipokuwa ni kwa ajili yenu na mapenzi yake kwenu, na ameniruhusu niingie pamoja nanyi,, je, unaniruhusu Ewe Mtume wa Mwenyezi Mungu

Mtukufu Mtume wa Mwenyezi Mungu akasema: Waalayka salamu Ewe mwaminifu wa ufunuo. (wahyi) wa Mwenyezi Mungu! Hakika ndio nimekuruhusu

.Jibrilu as akaingia tukawa pamoja naye ndani ya kisaa

Kisha akamwambia Babaangu: Hakika Mwenyezi anakufunulieni (ameleta wahyi kwenu) :anasema

إنما يريد الله ليذهب عنكم الرجس أهل البيت ويطهركم تطهيرا.

Hakika Mwenyezi Mungu anataka kukulindeni na uchafu (Enyi) watu wa nyumba ya (Mtume)
.na kukutakaseni moja kwa moja. 33 :33

Aliy as akamwambia Babaangu: Ewe Mtume wa Mwenyezi Mungu nipe habari kuhusiana na
?kikao chetu hiki ndani ya kisaa kina fadhila gani mbele ya Mwenyezi Mungu

Mtukufu Mtume saww akasema: (Naapa) kwa yule aliye nituma kuwa Nabii wa haki na
akaniteua kwa ujumbe wenye kuokoa, hazitajwi habari zetu hizi katika mahfali miongoni mwa
mahfali za duniani katika mahfali hiyo kukawa na mashia (wafuasi) wetu na vipenzi vyetu
isipokuwa rehema zinashuka juu yao na Malaika wanawazunguka na kuwatakia Istigh'far
.(msamaha) hadi watakapo tawanyika

Aliy as akasema: Hivyo basi Wallahi tumefaulu na Shi'ah (wafuasi) wetu wamefaulu Naapa
.kwa Mola wa al Kaaba

Kisha Babaangu akasema: Ewe Ally! Naapa kwa yule aliyenituma kuwa Nabii wa haki na
akaniteua kwa ujumbe wenye kuokoa, hazitajwi habari zetu hizi katika mahfali miongoni mwa
mahfali ya watu wa duniani, ndani ya hafla hiyo kukawa humo kuna mashia (wafuasi) wetu na
vipenzi vyetu, na kisha kukawa na watu wenye matatizo isipokuwa Mwenyezi Mungu atatia
faraja katika matatizo yake au mwenye kero isipokuwa Mwenyezi ataondoa kero zake wala
.mwenye haja(yoyote) isipokuwa Mwenyezi atamkidhia haja zake

Aliy (a.s) akasema: Hivyo basi Wallahi tumefaulu na tumetukuka (tume kuwa watukufu) vile vile
Shi'ah (wafuasi) wetu wamefaulu na wametukuka (wamepanda Daraja la juu la utukufu) katika
.Dunia hii na Akhera Naapa kwa Mola wa al Kaaba

Aya hii ya Ahlul kisaa ni maaruufu na kuna makubaliano kwa waislamu wote Shi'ah na ahlisuna
.kuwa Aya hii inawahusu Ahlubaiti kisheria (kiistilahi) na siyo kilugha

Msikie Ummu Salama (mke wa Mtume) anasema: Iliposhuka aya hii 33:33, Mtume saww
alimwita Fatumah (bint yake) na Ally na Hassan na Hussein as akawafunika guo, kisha
akasema: "Ewe Mola! Hawa ni watu wa Nyumba ya yangu, basi wakinge na uchafu na
".uwatakase moja kwa moja

.Mama Ummu salama alipotakakuingia pamoja nao katika guo hilo, Mtume alimzuia

.Kuonyesha mke wake wa Mtume siyo Ahlubaiti kiistilahi

Aisha mke wa Mtume saww anasema: Mtukufu Mtume saww alitoka asubuhi akajifunika guo, mara akatokea Hassan, akamwingiza, kisha akakaja Hussein akaingia pamoja (na kaka yake) kisha akaja Fatimah Mtume akamwingiza, kisha akaja Ally Mtume akamwingiza, ndipo Mtukufu Mtume aliposoma: "Hakika Mwenyezi Mungu anataka kukukingeni na uchafu watu wa Nyumba .ya (Mtume) na anataka kukutakaseni moja kwa moja

Ibun Abbas anasema: Ayatut tat'hir imeshuka kwa ajili ya Mtume saww Ally bin Abi Twalib as .Fatimah na Hassan na Hussein

Mwana Aisha na ibn Abbas hawakuhusika kuingia humo. Bali Ummu salama, yeye alijaribu .kuingia Mtume akamzuia

.Na aya hii ya tat'hir "imeshuka nyumbani kwa Ummu Salama mke wa Mtume

:Rejea

.A'waalimul ulumi ya shekh Abdullah bin Nuru Ilahil Baharaniy

.Mafatihul Jinani UK 843-846

Rejea Tafsirul Khazin Jz 5 UK 259

Tarekhul Baghdad Jz 9 UK 127

.Fat'hulbary Jz 7 UK 172

.Rejea sahihi Muslim Jz 4 UK 1883

Rejea Ihqaqul haqqi Jz 14 UK 53

Rejea Tafsirul Tabariy Jz 22 UK 7

Tafsirul Ibn Kathir Jz 3 UK 491

.Adurrul Manthur Jz 5 UK 376

Huyo ndiye Fatimah bint Muhammad (s.a.w.w) mwanamke pekee katika watu waliotoharishwa ((Maasumah

.(Fuatana nami sehemu ya tatu historia ya Maasumah Fatimah bint Muhammad (s.a.w.w